

# Շոգովուրդ

73  
(3282)

10 հունիսի չորեքշաբթի 2026  
տպագրության ԺԵ տարի

✉ ք. Երևան, Արվյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

## ԲՆԿ-Ի ՃԱԿԱՏԱԳԻՐՆ ԱՆՈՐՈՇ Է




Ընդդիմադիր ճամբարում հետընտրական հիմնական տրամադրությունը շարունակում է մնալ սպասողական. ԶԶ կենտրոնական ընտրական հանձնաժողովը պատրաստվում է հունիսի 14-ին հրապարակել ընտրությունների վերջնական արդյունքները: Սպասման գլխավոր թեման ԲԶԿ-ի ճակատագիրն է: Կուսակցությանը խորհրդարան անցնելու համար պակասում է մոտ 70 ձայն, եւ այժմ իրականացվող վերահաշվարկը պետք է հստակեցնի՝ այդ ձայները գտնվում են, թե ոչ: Եթե ԲԶԿ-ն հաղթահարի անցողիկ շեմը, ապա Ազգային ժողովում ընդդիմադիր դաշտի պատկերն ամբողջությամբ կփոխվի:

Հիշեցնենք որ խորհրդարանն ընտրում կամ նշանակում է հետեւյալ բարձրագույն պաշտոնատար անձանց պատգամավորների փակ, գաղտնի քվեարկությամբ՝ ԶԶ նախագահ, ԶԶ վարչապետ, ԶԶ սահմանադրական դատարանի դատավորներ, ԶԶ վճռաբեկ դատարանի դատավորներ եւ նախագահ, ԶԶ բարձրագույն դատական խորհրդի գիտնական անդամներ, ԶԶ մարդու իրավունքների պաշտպան, ԶԶ կենտրոնական ընտրական հանձնաժողովի անդամներ եւ նախագահ, ԶԶ հեռուստատեսության եւ ռադիոյի հանձնաժողովի անդամներ, ԶԶ կոռուպցիայի կանխարգելման հանձնաժողովի անդամներ, ԶԶ կենտրոնական բանկի նախագահ եւ խորհրդի անդամներ, ԶԶ հաշվեքննիչ պալատի նախագահ եւ անդամներ, ԶԶ գլխավոր դատախազ:

Այսինքն՝ ԲԶԿ-ի խորհրդարան մտնելու պարագայում ԶԳ-ն շատ օրենքներ ընդունելու համար պետք է ընդդիմության «դուռը գնա»: Թերեւս դրա համար արդեն քրեական հետապնդում հարուցվեց Գագիկ Ծառուկյանի նկատմամբ եւ թույլ չտվեցին լքել երկիրը՝ մեկնել հանգստի:

*Մանրամասները՝ ArmLur.am կայքում*

**Բ**ատական համակարգում, հատկապես հակակոռուպցիոն դատարանում, վերջին մի քանի ամիսները չափազանց ծանր են անցել: Առանձնապես ծանրաբեռնված են եղել քրեական գործեր քննող դատավորները: Բանն այն է, որ նախընտրական շրջանում նախաքննական մարմիններն այնքան մեծ թվով անձանց են ներկայացրել դատարան՝ կալանքը որպես խափանման միջոց կիրառելու միջնորդություններով, որ շատ դատավորներ իրենց առավելորդ դիմավորել են դատարանի աշխատասենյակներում: Ավելին, մեզ հայտնի դարձավ, որ դատավորներից շատերը նույնիսկ չեն կարողացել անցկացնել իրենց վարույթներում նախապես նշանակված դատական նիստերը, քանի որ ամբողջ գիշեր զբաղված են եղել նախընտրական գործընթացներին առնչվող կալանքի միջնորդությունների քննարկմամբ: Հիշեցնենք, որ 2026 թվականի փետրվարի 7-ից մինչև 2026 թվականի հունիսի 7-ը՝ ժամը 18:00-ի դրությամբ, ընտրական հանցագործությունների վերաբերյալ ստացված դիմումների, հաղորդումների եւ դրանց քննության արդյունքների վերաբերյալ դատախազությունը հրապարակել է հետեւյալ տվյալները. ըստ դատախազությունում ստացված եւ մշակված տեղեկությունների՝ Ազգային ժողովի հերթական ընտրությունների գործընթացի մեկնարկից մինչև հունիսի 7-ը՝ ժամը 18:00-ն, ընտրական գործընթացին խոչընդոտող առերեսայն հանցագործությունների վերաբերյալ ստացվել է ընդհանուր 425 հաղորդում:



Շարունակությունը՝ ArmLur.am կայքում

**Չ**այած ընտրություններն արդեն ավարտվել են, Երևանի եւ մարզերի մի շարք համայնքներում դեռեւս պահպանվում են թեկնածուների եւ քաղաքական ուժերի նախընտրական պաստառները: Այս հանգամանքը հարցեր է առաջացնում՝ արդյոք օրենքը պարտադրում է դրանք հեռացնել ընտրություններից հետո, եւ ով է պատասխանատու այդ գործընթացի համար: ԶԶ ընտրական օրենսգրքի 21-րդ հոդվածը սահմանում է, թե որտեղ եւ ինչ պայմաններով կարող են տեղադրվել նախընտրական քարոզչական պաստառները: Սակայն օրենսգրքի ուսումնասիրությունը ցույց է տալիս, որ գործող կարգավորումներում առանձին դրույթ չկա, որը կսահմանի ընտրությունների ավարտից հետո պաստառների պարտադիր ապամոնտաժման ժամկետը կամ պատասխանատու մարմինը: Միաժամանակ, նախկին ընտրական օրենսդրության որոշ կարգավորումներում ամրագրված էր, որ հանրային միջոցառումների ընթացքում փակցված քարոզչական պաստառները միջոցառման ավարտից հետո պետք է հեռացվեն համապատասխան թեկնածուի կամ քաղաքական ուժի կողմից: Ստացվում է, որ գործող իրավական դաշտում առկա է որոշակի բաց:



⇒ էջ 3

**2**026 թվականի հունիսի 8-ին հանրային քրեական հետապնդում է հարուցվել Կոտայքի նախկին մարզպետ Կարապետ Գուլոյանի նկատմամբ՝ արգելանքի տակ գտնվող գույքի հետ ապօրինի արադք կատարելու համար: Գլխավոր դատախազությունը տեղեկացրել էր, որ, ի թիվս այլնի, 2026 թվականի մայիսի 12-ին, ապօրինի ծագում ունեցող գույքի բռնագանձման գործով օրինական ուժի մեջ մտած վճռի հիման վրա, Հայաստանի Հանրապետության սեփականության իրավունքն է գրանցվել Կոտայքի նախկին մարզպետ, Արվյան համայնքի նախկին ղեկավար Կարապետ Գուլոյանից եւ նրա կնոջից՝ Ռոզա Գագիկի Ծառուկյանից բռնագանձված՝ Կոտայքի մարզի Առինջ գյուղի Պ. Սեւակ թաղամասի 14-րդ փողոցի թիվ 8 հասցեի անշարժ գույքի՝ ապօրինի ճանաչված մասի՝ շուրջ 91%-ի նկատմամբ: Նախաձեռնված քրեական վարույթով պարզվել է, որ Կարապետ Գուլոյանը տեղեկացված է եղել, որ ապօրինի ծագում ունեցող գույքի բռնագանձման գործով ԶԶ հակակոռուպցիոն դատարանի կողմից կիրառվել է հայցի նախնական ապահովման միջոց՝ արգելանք, դատարանի կողմից արգելվել է գույքի տնօրինման հետ կապված գործողություն կատարելը, սակայն կազմակերպել է վերոնշյալ բնակելի տան արտաքին եւ ներքին, ինչպես նաեւ նկուղային պատերի վնասումը: Մասնավորապես, կազմակերպել է բնակելի տան արտաքին եւ ներքին պատերի երեսպատված սալիկների ապամոնտաժումը, դռների ու պատուհանների տեղահանումը եւ այլն:



ՔԱՂԱՔԱԿԱՆ

ՀԱՐՑԱԳՐՈՒՅՑ

«ՄԵՆՔ ԲՈՒՆՈՒՄ ԱՅՍ ՏԱՐԻՆԵՐԻ ԸՆԹԱՑՔՈՒՄ ՓՈԽՎԵԼ ԵՆՔ»

ArmLur.am-ը գրուցել է ԲՊ վարչության անդամ Վիլեն Գաբրիելյանի հետ:

- Երբ որոշեցիք մտնել քաղաքականություն, ինչպե՞ս դա ընդունվեց ընտանիքում: Կային արդյոք մտահոգություններ կամ կորուստներ այդ որոշման պատճառով:

- Քաղաքական ակտիվությամբ զբաղվել եմ դեռ մինչև 2018 թվականը: Ընտանիքս գիտեր իմ համոզմունքների մասին: Եթե անգամ որեէ մեկը դեմ լիներ, դա չէր փոխի իմ որոշումը, որով հետեւի համոզված էի, որ նախկին համակարգում առկա անարդարությունների դեմ պետք է պայքարել:

- Ի՞նչը Ձեզ բերեց քաղաքականություն: Ի՞նչն էր հիմնական շարժառիթը:

- Մեծ դեր ունեցավ դաստիարակությունս: Ծնողներս ինձ սովորեցրել են չանցնել անարդարության կողքով: Երբ տեսնում ես, որ խնդիրները չեն լուծվում իրավական կամ բարոյական ճանապարհով, հասկանում ես, որ փոփոխությունների համար պետք է զբաղվել քաղաքականությամբ եւ նպաստել ժողովրդավարության հաստատմանը:

- Ինչպե՞ս ծանոթացաք Նիկոլ Փաշինյանի հետ եւ ինչպե՞ս սկսվեց ձեր համագործակցությունը:

- Ի սկզբանե նպատակ չունեի հետը Նիկոլ Փաշինյանի թիմակիցը դառնալ: Առաջին անգամ նրան տեսել եմ 2007 թվականին՝ հանրահավաքի ժամանակ: Տպավորված էի նրա համարձակությամբ: 2008 թվականի ընտրություններից եւ Մարտի 1-ի իրադարձություններից հետո ավելի ակտիվ ներգրավվեցի քաղաքական գործընթացներում: Հետագայում նամակագրություն ունե-



ցանք, իսկ նրա ազատ արձակվելուց հետո արդեն անձամբ ծանոթացանք: Այդ հարաբերությունները ժամանակի ընթացքում դարձան ոչ միայն քաղաքական, այլև ընկերական:

- Այսօր, երբ Նիկոլ Փաշինյանը վարչապետ է, ինչպե՞ս են փոխվել ձեր հարաբերությունները:

- Բնականաբար, ժամանակը շատ ավելի սահմանափակ է դարձել: Վարչապետի պատասխանատվությունն ու ծանրաբեռնվածությունը շատ մեծ են: Սակայն հարաբերությունները պահպանվել են: Մենք բոլորս այս տարիներին ընթացքում փոխվել ենք թե՛ փորձա-

նության, թե՛ այն դժվարությունների ազդեցությամբ, որոնց միջով անցել է երկիրը:

- Կարո՞ղ եք վարչապետին ասել, որ նա սխալվում է, կամ խորհուրդ տալ նրան:

- Այո, իհարկե: Մեր թիմի սկզբունքներից մեկն այն է, որ չպետք է լինի հարց, որը չի կարելի քննարկել: Երբեք չեմ զգացել, որ չեմ կարող ազատ արտահայտել իմ կարծիքը: Նիկոլ Փաշինյանը միշտ լսել է փաստարկված տեսակետները, նույնիսկ եթե դրանք տարբերվել են իր մտտեցումներից:

Զրուցեց՝ ՄՈՆԱ ԳՐԻԳՈՐՅԱՆԸ

ՈՒՇԱԳՐԱՎ ԼՈՒԹՅՈՒՆ

Հայաստանում կայացած Ազգային ժողովի ընտրություններից հետո վարչապետ Նիկոլ Փաշինյանի ընտրվել են սասնյակ երկրների ղեկավարներ՝ ՄԱԵ-ից, Կանադայից, Ֆրանսիայից, Գերմանիայից, Հնդկաստանից, Իրանից, Վրաստանից եւ եվրոպական մի քանի երկրներից: Սակայն մի քանի կարևոր դերակատարների կողմից առայժմ հրապարակային ընտրվածներ չեն արձանագրվել:

Առաջին հերթին ուշադրության կենտրոնում է Ռուսաստանը: Չնայած հայ-ռուսական հարաբերություններում առկա բազմաթիվ տևտեսական, քաղաքական եւ անվտանգային կապերին, ՌԴ նախագահ Վլադիմիր Պուտինը դեռևս հրապարակային շնորհավորական ուղերձ չի հղել Նիկոլ Փաշինյանին: Ավելին, Ռուսաստանի պաշտոնական արձագանքը մինչ այս պահը ներկայացվել է ոչ թե շնորհավորանքի, այլ գնահատականների տեսքով: ՌԴ ԱԳՆ պաշտոնական ներկայացուցիչ Մարիա Զախարովան հայտարարել էր, որ ընտրություններն անցկացվել են «ընդդիմության նկատմամբ անսխալաբար ճշգրտություններով եւ Արեւմուտքի, առաջին հերթին՝ Եվրամիության միջամտության պայմաններում»: Նա նաեւ նշել էր, որ նախնական արդյունքները ցույց են տալիս՝ իշխանությունը չի ստացել «իշխանության մենաշնորհ»:

Ուշագրավ է նաեւ, որ հրապարակային շնորհավորանք չի հնչել Ադրբեջանի նախագահ Իլհամ Ալիևի կողմից: Սա առանձնահատուկ ուշադրության է արժանի՝ հաշվի առնելով, որ վերջին ամիսներին Երեւանն ու Բաքուն ակտիվ բանակ-



ցություններ են վարում խաղաղության համաձայնագրի շուրջ:

Առայժմ հրապարակային շնորհավորանք չի արձանագրվել նաեւ Թուրքիայի նախագահ Ռեջեփ Թայիփ Էրդոհանից: Մինչդեռ վերջին տարիներին, ըստ իշխանության քայլերի, հայ-թուրքական կարգավորման գործընթացը եղել է Հայաստանի արտաքին քաղաքական օրակարգի կարևոր ուղղություններից մեկը:

Շնորհավորողների ցանկում չեն հայտնվել նաեւ արաբական աշխարհի մի շարք առանցքային առաջնորդներ: Մասնավորապես, հրապարակային ուղերձներ չեն արձանագրվել Սաուդյան Արաբիայի թագաժառանգ Մուհամմեդ բին Սալմանից, Արաբական Միացյալ Էմիրությունների նախագահ Մուհամմեդ բին Ջայեդ Ալ Նահյանից, Քաթարի Էմիր Թամիմ բին Համադ Ալ Թանիիից եւ Եգիպտոսի նախա-

գահ Աբդել Ֆաթահ ա-Սիսիից, որոնց երկրների հետ Հայաստանը վերջին տարիներին ակտիվացրել է քաղաքական եւ տնտեսական համագործակցությունը:

Հրապարակային շնորհավորանքներ առայժմ չեն արձանագրվել նաեւ Չինաստանի նախագահ Սի Յզինպինի, Բելառուսի նախագահ Ալեքսանդր Լուկաշենկոյի, Ղրղզստանի նախագահ Սադիր ժապարովի եւ Տաջիկստանի նախագահ Էմոմալի Ռահմոնի կողմից:

Այսպիսով, եթե արեւմտյան երկրների եւ Եվրոպական կառույցների ներկայացուցիչները բավական արագ արձագանքեցին ընտրությունների արդյունքներին, ապա Ռուսաստանի, Թուրքիայի, Ադրբեջանի եւ մի շարք այլ երկրների ղեկավարների լռությունը շարունակվում է ուշադրության կենտրոնում մնալ:

ԱՆԻ ՎՈՐՈՆՅԱՆ



ԱՎԵԼԻ ԲԱՆ 30 ՄԼՆ ԳՐԱՄ ԿԱՏԱՆԱՆ

Աժ 2026 թվականի հունիսի 7-ի խորհրդարանական ընտրությունների նախնական արդյունքների համաձայն՝ ընդհանուր առմամբ 105 մլն դրամ ընտրագրավի գումարից հետո չի վերադարձվի օրենքով սահմանված 4 տոկոսի շեմը չհաղթահարած 14 կուսակցություններին եւ կփոխանցվի ՀՀ պետական բյուջե: Սա այն դեպքում, եթե վերահաշվարկի արդյունքում «Բարգավաճ Հայաստան» կուսակցությունը նույնպես հաղթահարի անցողիկ շեմը եւ մտնի խորհրդարան: Փոխարենը՝ անցողիկ շեմը հաղթահարած 6 քաղաքական ուժեր՝ 4 կուսակցություն (ԶԴԿ, ԲՀԿ, ՄԻԹԿ, ՀԾՊԿ) եւ 2 դաշինք («Ուժեղ Հայաստան», «Հայաստան»), 4 տարի շարունակ պետական բյուջեից կստանան ֆինանսավորում: Նշենք, որ «Կուսակցությունների մասին» սահմանադրական օրենքի համաձայն՝ կուսակցությունների պետական ֆինանսավորումը (պետական սուբսիդավորումը) իրականացվում է Հայաստանի Հանրապետության պետական բյուջեի միջոցների հաշվին՝ նպատակ ունենալով խթանելու որոշակի հանրային աջակցություն ունեցող եւ եկամտի այլ էական աղբյուրներ չունեցող կուսակցությունների կենսունակությունն ու ինքնուրույնությունը: Այդ ծախսերն արտացոլվում են պետական բյուջեում առանձին հոդվածով: Պետական ֆինանսավորում հատկացվում է այն կուսակցությանը (կուսակցությունների դաշինքին), որի ընտրական ցուցակն Ազգային ժողովի վերջին ընտրությունների ժամանակ ստացել է քվեարկությանը մասնակցած բոլոր կուսակցությունների ընտրական ցուցակների օգտին կողմ տրված ձայների ընդհանուր թվի եւ անճշտությունների թվի գումարի առնվազն երկու տոկոսը, իսկ կուսակցությունների դաշինքի դեպքում՝ յոթ տոկոսը: Պետական բյուջեի միջոցները նախատեսված շեմը հաղթահարած յուրաքանչյուր կուսակցությանը բաշխվում են 2-ից մինչև 5 տոկոս ձայներ ստանալու դեպքում՝ օրենքով սահմանված նվազագույն աշխատավարձի չափով՝ յուրաքանչյուր ձայնի դիմաց:

Ըստ այդմ ընտրությունների նախնական արդյունքներով 2 տոկոսի շեմը հաղթահարած, սակայն խորհրդարան չանցած Գուրգեն Սիմոնյանի գլխավորած «Հայաստանի շնորհապետական կուսակցությունը», որը ստացել է 30,807 ձայն, տարեկան կստանա ավելի քան 30,8 մլն, իսկ «Միասնության թեւեր» կուսակցությունը, որը ստացել է 33,644 ձայն, տարեկան կստանա 33,6 մլն դրամ հերթական ֆինանսավորում: Այս գումարները կուսակցություններին կտրամադրվեն կիսամյակային սկզբունքով, բայց ոչ շուտ, քան Կոռուպցիայի կանխարգելման հանձնաժողովի կողմից նրանց տարեկան հաշվետվությունների ստուգումը, իսկ կառուցվածքով ու գործունեությամբ պայմանավորված պետական նպատակային ֆինանսավորումը կհատկացվի միանվագ սկզբունքով:

Կուսակցությունների պետական ֆինանսավորումն իրականացվում է տվյալ գումարման Ազգային ժողովի լիազորությունների ժամանակահատվածում եւ դադարեցվում Ազգային ժողովի լիազորությունների ժամկետի ավարտման օրը:

ՈՎՔԵՐ ԿՄԱՆ

Ե՞ՐԲ ԿԸՆՏԻՐԵՆ ՎԱՐՉԱՊԵՏ

ՊԱՏՏԱՌՆԵՐԸ ՄՆՈՒՄ ԵՆ

Չնայած ընտրություններն արդեն ավարտվել են, Երեւանի եւ մարզերի մի շարք համայնքներում դեռեւս պահպանվում են թեկնածուների եւ քաղաքական ուժերի նախընտրական պաստառները: Այս հանգամանքը հարցեր է առաջացնում՝ արդյոք օրենքը պարտադրում է դրանք հեռացնել ընտրություններից հետո, եւ ով է պատասխանատու այդ գործընթացի համար: 33 ընտրական օրենսգրքի 21-րդ հոդվածը սահմանում է, թե որտեղ եւ ինչ պայմաններով կարող են տեղադրվել նախընտրական քարտեզային պաստառները: Սակայն օրենսգրքի ուսումնասիրությունը ցույց է տալիս, որ գործող կարգավորումներում առանձին դրույթ չկա, որը կսահմանի ընտրությունների ավարտից հետո պաստառների պարտադիր ապամոնտաժման ժամկետը կամ պատասխանատու մարմինը: Միաժամանակ, որոշ կարգավորումներում ամրագրված էր, որ հանրային միջոցառումների ընթացքում փակցված քարտեզային պաստառները միջոցառման ավարտից հետո պետք է հեռացվեն համապատասխան թեկնածուի կամ քաղաքական ուժի կողմից: Ստացվում է, որ գործող իրավական դաշտում անկախ է որոշակի բաց: Օրենքը մասնաճանաչ կարգավորում է քարտեզային նյութերի տեղադրման կարգը, սակայն հստակ պատասխան չի տալիս ընտրություններից հետո դրանք հեռացման պարտականության եւ ժամկետների վերաբերյալ: Արդյունքում, ընտրաշաղկի ավարտից հետո էլ բազմաթիվ համայնքներում շարունակում են պահպանվել նախընտրական պաստառներ, ինչը հարցեր է առաջացնում համայնքային տարածքների պատշաճ կառավարման եւ վերահսկողության արդյունավետության վերաբերյալ: Փաստացի, գործող օրենսդրությունը չի սահմանում, թե ով եւ երբ պետք է հեռացնի նախընտրական կամ այլ քաղաքական բնույթի պաստառները: Այդ պատճառով նման աշխատանքների իրականացումը հիմնականում մնում է տեղական ինքնակառավարման մարմինների՝ քաղաքապետարանների եւ համայնքապետարանների պատասխանատվության շրջանակում:

Ա. Վ.

ՀԱՆԳԻՊՈՒՄ ԿԼԻՆԻ

ԱԳ նախարար Արարատ Միրզոյանը հայտնել է, որ հունիսի 2-ին Կարսում տեղի է ունեցել լուրջ հանդիպում Հայաստանի եւ Թուրքիայի գործարարների միջև: «Այն կազմակերպված էր երկու կողմերի ԱԳ նախարարությունների եւ առեւտրապալատների մասնակցությամբ: Այս հանդիպումը տարբերվում էր նախորդ հանդիպումներից, քանի որ օրակարգը հագեցած էր, եւ Թուրքիայի երեք նահանգների գործարար շրջանակների կողմից մեծ հետաքրքրություն կար», - ասել է նա: Ըստ Միրզոյանի՝ դա շատ լավ սկիզբ է: «Առաջիկայում մենք կունենանք երկրորդ հանդիպումը Հայաստանի տարածքում: Տեղյակ եմ, որ գործարար շրջանակների առանձին ընկերություններ կունկրետ խոսակցություններ են սկսել, եւ վստահ եմ, որ կունենանք այդ խոսակցության շարունակությունը», - եզրափակել է ԱԳ նախարարը:

**Թեւ գործող խորհրդարանի լիազորությունների ավարտին դեռ ժամանակ կա, իշխանական կուլիսներում արդեն ակտիվ ֆինանսավորում է հեջքերակա իշխանության կազմավորման հարցը:**

ArmLur.am-ի իշխանական աղբյուրները փոխանցում են, որ նոր խորհրդարանը կարող է իր առաջին նիստը գումարել արդեն սեպտեմբերի 7-ին, իսկ օրակարգի գլխավոր հարցը լինելու է 33 վարչապետի ընտրությունը: Իշխող ԲԳ ուժը կառաջադրի 33 վարչապետի թեկնածու Նիկոլ Փաշինյանին, նրան կընտրեն վարչապետ: Դրանից անմիջապես հետո կսկսվի նոր կառավարության ձեւավորման գործընթացը, սակայն ամենամեծ ինտրիգը հենց այստեղ է՝ ովքեր կպահպանեն իրենց պաշտոնները, եւ ովքեր կհայտնվեն քաղաքական «փոխարինման ցուցակում»: Իշխանական շրջանակներից ArmLur.am-ին փոխանցում են, որ կառավարության ներսում դեռ վերջնական որոշումներ չկան, սակայն կան պաշտոնյաներ, որոնք դիրքերը բավական ամուր են: Խոսքը, մասնավորապես, արտաքին գործերի նախարար Արարատ Միրզոյանի, պաշտպանության նախարար Սուրեն Պապիկյանի եւ առողջապահության նախարար Անահիտ Ավանեսյանի մասին է: Ըստ նույն աղբյուրների՝ Փաշինյանը գոհ է նրանց աշխատանքից, եւ նրանք, ամենայն հավանականությամբ, կշարունակեն պաշտոնավարել նաեւ նոր կառավարության կազմում: Սակայն իրավիճակը միանշանակ չէ: Իշխանության ներսում հասկանում են, որ հանրության համար նույն կազմով կառավարության վերարտադրությունը կարող է ընկալվել որպես քաղաքական անշարժություն: 3ենց այդ պատճառով, ըստ տեղեկությունների, Փաշինյանը թիմակիցների հետ քննարկումներում ակնարկել է, որ որոշ փոփոխություններ



անհրաժեշտ են հանրային ընկալման տեսանկյունից: Այստեղ, սակայն, առաջանում է կարելի է հարցը՝ խոսքը բովանդակային փոփոխությունների՞ մասին է, թե՛ պարզապես կադրային վերադասավորումների: Եթե կառավարության առանցքային ուղղություններն ու պատասխանատուները հիմնականում պահպանվեն, ապա դժվար է խոսել նոր քաղաքական էջի բացման մասին: Այդ դեպքում փոփոխությունները կարող են ավելի շատ ծառայել արտաքին տպավորություն ստեղծելուն, քան իրական վերափոխումներին: Մինչ իշխանական թիմում քննարկումներն ընթանում են, վերջնական որոշումները կայացնելու է անձամբ Նիկոլ Փաշինյանը: Եւ հենց այդ հանգա-

մանքն է, որ իշխանական համակարգում ստեղծում է սպասման ու անորոշության մթնոլորտ: Ովքեր կպահպանեն իրենց պաշտոնները, ովքեր կհեռանան, եւ ովքեր անսպասելիորեն կհայտնվեն նոր կառավարության կազմում՝ այս հարցերի պատասխանները, ըստ ամենայնի, հայտնի կդառնան միայն այն ժամանակ, երբ Փաշինյանը կատարի իր վերջին ընտրությունը: Մինչ այդ իշխանական ճամբարում բոլորը սպասում են մեկ մարդու որոշմանը, իսկ քաղաքական դաշտում արդեն խոսում են հնարավոր անակնկալների մասին, որոնք կարող են էական ազդեցություն ունենալ նոր կառավարության վերջնական պատկերի վրա: ՍՄՍԱ ԳՐԻԳՈՐՅԱՆ

ՕՐՎԱԿԱՆԱԿԱՐ

ԿՈՉ ԵՆ ԱՆՈՒՄ ՀԱՐԳԵԼ

ԵՄ-ն հայտարարություն է տարածել, որում ասվում է. «Մենք կոչ ենք անում 33 բոլոր քաղաքական դերակատարներին հարգել քվեարկության արդյունքները, ժողովրդավարական ընթացակարգերը եւ օգտվել իրավական մեխանիզմներից՝ ցանկացած ընտրական բողոք հասցեագրելու համար»: «Նախընտրական քարտեզավորումը եւ քվեարկությունը տեղի են ունեցել ՌԴ-ի կողմից անսխալեղ միջամտության, ճնշումների եւ շարունակական հիբրիդային հարձակումների համատեքստում: Այնուամենայնիվ, ընտրություններն արտացոլում են 33-ի ժողովրդավարական դիմակայությունը: Դրանք նաեւ ընդգծեցին հայ ժողովրդի հավատարմությունը եվրոպական արժեքներին, խաղաղ քաղաքական մասնակցությանը եւ կայուն, անվտանգ ու բարեկեցիկ ապագայի ձգտմանը», - գրված է հաղորդագրության մեջ:

97.2 ՏՈՒՄ

«Հայաստանի Հանրապետության ներքին գործերի նախարարության 2025 թվականի ֆինանսավորումը կազմել է 105,7 միլիարդ դրամ, իսկ կատարողականը՝ 97,2 միլիարդ դրամ կամ շուրջ 97.2 տոկոս»: Այս մասին ԱԺ պաշտպանության եւ անվտանգության հարցերի, ֆինանսավարկային եւ բյուջետային

հարցերի մշտական հանձնաժողովների համատեղ նիստում հայտարարել է 33 ֆինանսների նախարար Վահե Հովհաննիսյանը: Նրա խոսքով՝ Ներքին գործերի նախարարությունը, ըստ էության, իրականացնում է 6 ծրագիր եւ 24 միջոցառում: Վահե Հովհաննիսյանը նաեւ մանրամասնել է, որ ՆԳՆ-ի ծրագրերից 4-ն ունի բարձր կատարողական, 1 ծրագիր՝ բավարար կատարողական եւ 1 ծրագիր ունի 50 տոկոսից ցածր կատարողական: Հովհաննիսյանի բնորոշմամբ՝ նախորդ տարվա համեմատությամբ առկա է 7 միլիարդ 657 միլիոն դրամի ավելի բյուջե:

ՀՆԱՐԱՎՈՐԻՆՍ ԱՐԱԳ

Վարչապետ Նիկոլ Փաշինյանը խոսել է Գյումրու թաղամասերի եւ բակերի մասին: «Ես, անկեղծ ասեմ, այն, ինչ տեսա Գյումրու թաղամասերում, ինձ համար անսպասելի էր եւ նաեւ, ինչ-որ տեղ, շրկային ազդեցություն: Ես չէի կարող պատկերացնել, որ այն երկրում, որտեղ ես վարչապետ եմ, մասնավորապես Հիսունութ թաղամասում, կարող են լինել այդպիսի վիճակում գտնվող բակեր, փողոցներ, որոնք խայտառակ տեսարաններ են», - ասել է վարչապետը: Նրա խոսքով՝ Գյումրիում պետք է հնարավորինս արագ կայանան արտահերթ ընտրություններ: «Բայց, մինչեւ այդ, թեկուզ շրջանցելով տեղական ինքնակառավարման մարմին-

ները, մենք պետք է այնտեղ արագ գործողություններ իրականացնենք՝ այսօրվանից սկսած», - ասել է նա:

ԵՄ-ՈՒՄ ԲՆՆԱՐԿՈՒՄ ԵՆ

Եվրամիությունը քննարկում է ռուսական նավթի նկատմամբ գործող գնային սահմանափակումների պահպանման տարբերակ: Reuters-ի փոխանցմամբ՝ առաջարկվում է առաջիկա վեց ամիսների ընթացքում պահպանել առավելագույն շեմը՝ մեկ բարելի դիմաց 44,1 դոլարի մակարդակում: Այս սահմանափակումը կիրառվում է այն նպատակով, որպեսզի ռուսական նավթ տեղափոխող տանկերները կարողանան պահպանել ապահովագրական ծառայություններից օգտվելու իրավունքը: Ցուցանիշը հաշվարկվում է Բալթիկ եւ Սեւ ծովի նավահանգիստներում Urals տեսակի նավթի FOB արժեքի հիման վրա՝ Platts եւ Argus գործակալությունների տվյալներով: Վերջին անգամ այն սահմանվել էր 2026 թվականի փետրվարի 1-ին: Բացի այդ, Եվրամիությունում քննարկվում է նաեւ այսպես կոչված «սովերային նավատորմի» նկատմամբ սահմանափակումների խստացումը: Եվրոպական հանձնաժողովի նախագահ Ուրսուլա Ֆոն դեր Լայենի խոսքով՝ նոր պատժամիջոցների ցանկում նախատեսվում է ավելացնել եւս 30 նավ՝ արդեն գործող սահմանափակումների տակ գտնվող 632 նավերից բացի:

ԻՐԱՎԱԿԱՆ

Նոր Կարգավորում

ԱՌԱՆՑ ԲՆՆՈՒԹՅԱՆ, ԲԱՅՑ ՓՈՐՉԱՇՐՋԱՆՈՎ

ArmLur.am-ի լավատեսյակ աղբյուրները փոխանցում են, որ հունիսի 12-ին Ազգային ժողովի դաշնամուսնային և անվանագրության հարցերի մեծահասակ հանձնաժողովում քննարկվելու է «ճանադարհային երթևեկության անվանագրության ադապտացիայի մասին» օրենքում փոփոխությունների նախագիծը, որը կներկայացնի ՀՀ ներքին գործերի նախարար Արմինե Մարգարյանը:



Նախագծով առաջարկվում է էականորեն փոխել վարորդական իրավունքի գրկված անձանց վարելու իրավունքի վերականգնման գործող կարգը:

Ներկայումս վարորդական իրավունքի գրկման ժամկետի ավարտից հետո բոլոր քաղաքացիները, անկախ նրանից՝ առաջին անգամ են գրկվել իրավունքից, թե ոչ, պարտավոր են կրկին հանձնել որակավորման քննություններ: Սակայն ՆԳ նախարարությունը կարծում է, որ նման մոտեցումը բավարար չափով չի նպաստում վարորդների վարքագծային փոփոխությանը:

Նախարարության հիմնավորմամբ՝ միջազգային փորձը ցույց է տալիս, որ բազմաթիվ երկրներում վարորդական իրավունքի գրկված անձանց նկատմամբ կիրառվում են այլ մեխանիզմներ՝ լրացուցիչ դասընթացներ, վերապատրաստումներ, ակտիվ վերահսկման սարքերի տեղադրում, սահմանափակ փորձաշրջաններ են այլ միջոցներ, որոնք ավելի արդյունավետ են վարորդի պատասխանատվության բարձրացման տեսանկյունից:

Այս համատեքստում առաջարկվում է ներդնել նոր համակարգ, որի համաձայն՝ վարորդական իրավունքից առաջին անգամ գրկված անձը կկարողանա այն վերականգնել առանց քննություն հանձնելու, եթե գրկման ժամկետի ավարտից հետո մեկ տարվա ընթացքում դիմի համապատասխան մարմին:

Սակայն նման վերականգնումը կլինի որոշակի պայմաններով: Մասնավորապես, վարորդական իրավունքը մեկ անգամ կվերականգնվի առանց քննության, քաղաքացին կվճարի 50 հազար դրամ պետական տուրք, նրա համար կսահմանվի մեկ տարվա փորձաշրջան, գործող 13 տուգանային միավորի փոխարեն նրան կտրամադրվի ընդամենը 6 միավոր: Եթե փորձաշրջանի ընթացքում վարորդը սպառի իրեն հատկացված 6 տուգանային միավորը, ապա կրկին կգրկվի տրանսպորտային միջոց վարելու իրավունքից՝ մեկ տարի ժամկետով:

Նախագծով նախատեսվում է, որ վարորդական իրավունքից երկրորդ կամ հաջորդ անգամ գրկված անձինք նախկինի պես իրավունքները կկարողանան վերականգնել միայն որակավորման քննություններ հանձնելուց հետո:

Միաժամանակ առաջարկվում է անցումային դրույթ, որի համաձայն՝ 2020 թվականի հունվարի 1-ից հետո վարորդական իրավունքից գրկված քաղաքացիները են մեկ անգամ հնարավորություն կունենան օգտվել նոր կարգավորումից: Նրանք նույնպես կկարողանան առանց քննության վերականգնել իրենց իրավունքները՝ վճարելով սահմանված պետական տուրքը և մեկ տարվա ընթացքում գտնվելով 6 տուգանային միավորով փորձաշրջանում: Նշվում է նաև, որ փոփոխությունները տարածվելու են միայն ՀՀ ոստիկանության կողմից կիրառված վարորդական իրավունքից գրկումների վրա: Դրանք չեն վերաբերի դատարանների կամ օտարերկրյա պետությունների իրավասու մարմինների կողմից կիրառված գրկումներին, ինչպես նաև առողջական կամ այլ իրավական հիմքերով վարելու իրավունքի դադարեցման դեպքերին:

ՆԳ նախարարությունը վստահ է, որ նոր կարգավորումների ներդրումը հնարավորություն կտա ձեռավորել վարորդական իրավունքի վերականգնման ավելի ճկուն և նպատակային համակարգ՝ կենտրոնանալով ոչ թե միայն պատժի, այլև վարորդների վարքագծի փոփոխության և վերահսկվող վերահսկողության վրա:

Հիշեցնենք, որ նախընտրական քարոզարշավի ժամանակ Նիկոլ Փաշինյանը վարորդական իրավունքից գրկվածների խոստացել էր հարցը լուծել:

ՄՈՆԻՏՐԻՆԳ

ԲԱՅԱՐԱՅՏՈՒՄ

ԱԶԱՏ ԱՐՉԱԿՎԵՑ

ArmLur.am-ի տեղեկությունների համաձայն՝ Չվարթնոց օդանավակայանում ձերբակալված Հովհաննես Սահակյանին մոտ 3 ժամ քննելուց հետո մեղադրանք են առաջադրել եւ խափանման միջոց ընտրել բացակայելու արգելքը: Հիշեցնենք, որ «Շանթ»-ի հետ գրույցում ընտրությունների առիթով երեւան ժամանած Հովհաննես Սահակյանը հայտնել էր, որ Մոսկվայից եկել են մասնակցելու քվեարկությանը եւ նույն օրը պատրաստվում են վերադառնալ: «Մոսկվայից եկել ենք ընտրենք, երեկոյան 7-ին հետ ենք վերադառնում», - ասել էր նա: Լրագրողի՝ «ՆՐԿ»-ի հարցին արձագանքելով՝ Սահակյանը նշել էր. «Անպայման, որ կարող ա խառնվի վիճակը, երեխեքի հետ ենք, չմտաք էլի բարդություններին»: Ավելի ուշ, երբ Սահակյանը փորձել է վերադառնալ Մոսկվա, հենց օդանավակայանում ձերբակալվել է: ArmLur.am-ի հարցմանն ի պատասխան՝ ՀՀ քննչական կոմիտեից հայտնել են, որ կոմիտեում ստացված առերեւոյթ հանցանքի մասին հարդրման համաձայն՝ Ս. Ա.-ն, ըստ նախնական տվյալների, տեղեկացված լինելով նախապատրաստվող հանցագործության մասին, այդ մասին չի հայտնել ՀՀ իրավասու մարմիններին: Հարդրման հիման վրա ՀՀ քննչական կոմիտեի պետության, սահմանադրական կարգի հիմունքների եւ հասարակական անվտանգության դեմ ուղղված հանցագործությունների քննության գլխավոր վարչության կողմից վարչական պարզումում նախաձեռնվել է քրեական վարչության՝ ՀՀ քրեական օրենսգրքի 473-րդ հոդվածի 1-ին մասի հատկանիշներով (հանցագործության մասին չհայտնելը): Քննչի որոշմամբ Հ. Ա.-ն ձերբակալվել է: Նախաքննությունը շարունակվում է:

Ք. Ս.

ԿԱՍԵՑՎԵԼ Է

Սննդամթերքի անվտանգության տեսչական մարմնի կողմից «Դումիկյան եղբայրներ» ՍՊ ընկերությանը պատկանող պանրի արտադրամասում (Լոռու մարզ, քաղաք Տաշիր, Երեւանյան փողոց) իրականացված ստուգման ընթացքում պարզվել է, որ խախտվել են Մաքսային Միության տեխնիկական կանոնակարգի պահանջները, մասնավորապես՝

- արտադրամասերը սարքավորված չեն եղել ձեռքերը լվանալու համար նախատեսված վազարաններով,
  - չեն եղել բնական եւ մեխանիկական օդափոխության միջոցներ,
  - հատակների, պատերի մակերեսները պատրաստված չեն եղել անջրանցիկ, լվացվող, ախտահանվող նյութերից,
  - առաստաղները պատրաստված չեն եղել այնպես, որպեսզի կանխարգելի կեղտի կուտակումը, բորբոսի առաջացումը, առաստաղից մասնիկների թափվելու հնարավորությունը, դռները հարթ չեն եղել,
  - սննդամթերքի հետ անմիջական շփման մեջ գտնվող սարքավորումները, գործիքները, պարագաները չեն ենթարկվել պատշաճ մաքրման եւ ախտահանման, չեն պահվել նորոգ եւ բարվոք վիճակում:
- Տեսչական մարմնի ղեկավարի որոշմամբ՝ պանրի արտադրամասի արտադրական գործունեությունը կասեցվել է, արձանագրված խախտումները վերացնելու համար սահմանվել է վերջնաժամկետ:

ԼՈՒՐԵՐ

ՀԱՆՁՆՈՒՄՆԵՐ

Ոստիկանության ծառայողների բացատրական աշխատանքի շնորհիվ բնակչության կողմից շարունակվում են ապօրինի պահվող զենք-զինամթերքի կամավոր հանձնումները: Համայնքային ոստիկանության Մետրոպոլիտենի բաժնի ծառայողների բացատրական աշխատանքի արդյունքում հունիսի 2-ին Ոստիկանություն զանգած քաղաքացին հայտնել էր, որ զենք-զինամթերք է թողել Հերացու փողոցի հարակից կիսաքանդ շինության մուտքի մոտ: Նշված վայրում հայտնաբերվել են 2 իրացան, ինքնաշեն ատրճառակ, 3 նռնակ, տարբեր տրամաչափի 500 փամփուշտ եւ այլ զինամթերք: Ապօրինի պահվող զենք-զինամթերք է կամավոր հանձնվել նաեւ Համայնքային ոստիկանության Ավանի բաժնի ծառայողների բացատրական աշխատանքի արդյունքում: Ոստիկանություն զանգած քաղաքացին զենք-զինամթերք էր թողել Աճառյան փողոցի հարակից կիսաքանդ շինությունում: Համայնքային ոստիկանները նշված վայրում հայտնաբերել են ինքնաձիգ, 2 նռնակ, պայթուցիչ, տարբեր տրամաչափի 215 փամփուշտ: ՆԳՆ ոստիկանությունը հավաստիացնում է, որ ապօրինի պահվող զենք-զինամթերքի հայտնաբերման ու առգրավման աշխատանքները շարունակվելու են առավել հետետղականությամբ եւ հորդորում է՝ քրեական պատասխանատվությունից խուսափելու համար կամավոր հանձնել ապօրինի պահվող զենք-զինամթերքը:

Ջանիսի 1-ից 8-ը մայրաքաղաքում իրականացված ծառայության ընթացքում Երեւանի պարեկները հայտնաբերել են ճանապարհային երթևեկության կանոնների 4313 խախտում՝ պահպանվող հատուկ տարածք տեղափոխելով 167 ավտոմեքենա: Մասնավորապես, հայտնաբերվել է ոչ սթափ 138 վարորդ, առանց վարորդական իրավունքի վկայականի՝ 113 անձ: Հայտնաբերվել է հաշվառման համարանիշի հետ կապված՝ 16, չամրակապված վարելու՝ 576, առանց մանկական նստատեղի՝ քարսիթի՝ 28, վարելու ընթացքում ծխելու՝ 509, վարելիս հեռախոսից օգտվելու՝ 271, հետիոտնի՝ ոչ սահմանված վայրով անցնելու՝ 77 եւ 1665 այլ իրավախախտում: 97 մեքենա շահագործվել է առանց ԱՊՊԱ պայմանագրի, 137-ը՝ տեխնիկական գնություն չանցած, 114-ը՝ լուսարձակների անսարքությամբ, 26-ը՝ թաղանթապատված դիմապակիով եւ կողային ապակիներով: Բացի այդ, տարբեր կակածանքներով ձերբակալվել ու Համայնքային ոստիկանության տարածքային բաժիններ է տարվել 39 անձ:

377 ՈՉ ՍԹԱՓ ՎԱՐՈՐԴ

Ջանիսի 1-ից 8-ը մայրաքաղաքում իրականացված ծառայության ընթացքում Երեւանի պարեկները հայտնաբերել են ճանապարհային երթևեկության կանոնների 4313 խախտում՝ պահպանվող հատուկ տարածք տեղափոխելով 167 ավտոմեքենա: Մասնավորապես, հայտնաբերվել է ոչ սթափ 138 վարորդ, առանց վարորդական իրավունքի վկայականի՝ 113 անձ: Հայտնաբերվել է հաշվառման համարանիշի հետ կապված՝ 16, չամրակապված վարելու՝ 576, առանց մանկական նստատեղի՝ քարսիթի՝ 28, վարելու ընթացքում ծխելու՝ 509, վարելիս հեռախոսից օգտվելու՝ 271, հետիոտնի՝ ոչ սահմանված վայրով անցնելու՝ 77 եւ 1665 այլ իրավախախտում: 97 մեքենա շահագործվել է առանց ԱՊՊԱ պայմանագրի, 137-ը՝ տեխնիկական գնություն չանցած, 114-ը՝ լուսարձակների անսարքությամբ, 26-ը՝ թաղանթապատված դիմապակիով եւ կողային ապակիներով: Բացի այդ, տարբեր կակածանքներով ձերբակալվել ու Համայնքային ոստիկանության տարածքային բաժիններ է տարվել 39 անձ:

● Հունիսի 5-ից 8-ը Հայաստանի Հանրապետությունում բացահայտվել է 26 դեպք՝ թմրանյութի հայտնաբերման:



ՍՈՑԻԱԼԱԿԱՆ

ԼՈՒՐԵՐ

6 ՏԱՐԵԿԱՆ Է



Վեց տարի, շուրջ 45 հիմնադրամ, 55-ից ավել ծրագիր, 300 մլն դրամի հասնող բյուջե: Սրանք պարզապես թվեր չեն, այլ համատեղ ուժի, վստահության և ամուր գործընկերության վառ արտացոլանք: IDBank-ի և Իդրամի համատեղ այս նախաձեռնությունն իր գոյության առաջին իսկ օրերից բախվել է մի շարք մարտահրավերների՝ համավարակ, պատերազմ և այլն: Սակայն դժվարությունները դարձել են նոր հնարավորություններ՝ օգնելու, աջակցելու, կրթելու, բուժելու, ստեղծելու և փոխելու կյանքեր: Իր գոյության վեց տարիների ընթացքում «Մի դրամի ուժի» շնորհիվ կյանքի են կոչվել բազմաթիվ կարեւոր ծրագրեր, որոնք ընդգրկված են 8 հիմնական ուղղություններում.

- Ֆինանսական գրագիտություն,
• Թվային գրագիտություն,
• Մարզերի զարգացում,
• ՓՄՁ-ների զարգացում,
• Բնապահպանություն,
• Ներառականություն,
• Աշխատակիցների իրավունքների պաշտպանություն,

Սոցիալական աջակցություն: Հաջողված համագործակցությունները շատ են, իսկ նպատակը՝ մեկը. համախմբվել մեկ գաղափարի շուրջ և միասնական ուժերով անհնարինը դարձնել հնարավոր:

«Մի դրամի ուժը» շարունակում է իր գործունեությունը՝ դառնալով վստահության, միասնականության և պատասխանատվության կարեւոր հարթակ: Նախաձեռնության պատմության ամեն նոր փուլ սկսվել է սկսվում է նույն համոզմամբ՝ կոչը քայլերը ձեռավորում են մեծ փոփոխություններ: Ու քանի դեռ կա այդ հավատը, «Մի դրամի ուժի» պատմությունը շարունակվելու է, որովհետեւ ամեն ինչ սկսվում է մի դրամից:

Ընկերությունները վերահսկվում են 33 ԿԲ կողմից (9)

ՀԱՅՏԱՐԱՐՈՒԹՅՈՒՆ

Սույնով տեղեկացնում ենք, որ «ԱԿԲԱ ԲԱՆԿ» ԲԲԸ մասնաճյուղային ցանցի օպերիմալացման նպատակով 2026 թվականի հունիսի 16-ից դադարում է բանկի «Օպերա» մասնաճյուղի (հասցե՝ 33, ք. Երեւան, Մաշտոցի պողոտա 42 շենք, 17/1) գործունեությունը: «Օպերա» մասնաճյուղի բոլոր գործառնությունները կշարունակվեն իրականացվել «Սայաթ-Նովա» մասնաճյուղում (հասցե՝ 33, ք. Երեւան, Սայաթ-Նովա 8 շենք, 21/1 տարածք և Արվյան 22 շենք, թիվ 1/1 տարածք):

2026 թվականի հունիսի 16-ից դադարում է բանկի «ԱՆԻ» մասնաճյուղի (հասցե՝ 33, ք. Գյումրի, ԱՆԻ թաղամաս, 7-րդ փողոց, 5/2) գործունեությունը: «ԱՆԻ» մասնաճյուղի բոլոր գործառնությունները կշարունակվեն իրականացվել «Շիրակ» մասնաճյուղում (հասցե՝ 33, ք. Գյումրի, Արվյան փ. 256):

Բոլոր մասնաճյուղերում հաճախորդները կշարունակեն ստանալ լիարժեք սպասարկում օգտվելով բանկի կողմից առաջարկվող բոլոր ծառայություններից: Շնորհակալություն ենք հայտնում «ԱԿԲԱ ԲԱՆԿ» ԲԲԸ ծառայություններից օգտվելու համար:

Հարգանքով՝ «ԱԿԲԱ ԲԱՆԿ» ԲԲԸ

ԱՄԵՐԻԱԲԱՆԿ

ԿՆՔԵԼ ԵՆ 120 ՄԻԼԻՈՆ ԵՎՐՈՅԻ ՎԱՐԿԱՅԻՆ ՊԱՅՄԱՆԱԳԻՐ

Ամերիաբանկը և Նիդերլանդների ձեռնարկատիրական զարգացման բանկը (FMO) ՎՋԵԲ-ի՝ Ռիգայում (Լատվիա) կայացած սարեկան ժողովի ժամանակ կնքել են 120 միլիոն եվրոյի վարկային պայմանագիր: Պայմանագրի նույնպես է ընդլայնել ֆինանսավորման հասանելիությունը Հայաստանում գործող միկրո, փոքր և միջին ձեռնարկությունների (ՄՓՄՁ) համար և խթանել կայուն զարգացումը կանաչ ֆինանսավորման միջոցով:



տատեղերի ստեղծմանը և ավելի կանաչ տնտեսության զարգացմանը:

«Ամերիաբանկ» ՓԲԸ

Ամերիաբանկը ֆինանսական և տեխնոլոգիական առաջատար հաստատություն է, 33 տնտեսական ոլորտի նշանակալի դերակատարներից մեկը: Թվային փոխակերպման ռազմավարության ներքո բանկը շարունակաբար ներդրում է կատարելագործում է նորարարական պրոդուկտներ, ծառայություններ և հարթակներ, որոնք միտված են բավարարելու մարդկանց ֆինանսական և ոչ ֆինանսական կարիքները: Ամերիաբանկը, որպես դիսաբիլ զարգացող ֆինթեք միջավայր, առաջարկում է կյանքի որակը բարելավող ամբողջական լուծումներ:

Բանկը վերահսկվում է 33 կենտրոնական բանկի կողմից:

FMO

FMO-ն Նիդերլանդների ձեռնարկատիրական զարգացման բանկն է: Որպես առաջատար իմպաքթ-ներդրող՝ FMO-ն աջակցում է զարգացող երկրներում և ձեռավորվող շուկաներում մասնավոր հատվածի կայուն աճին՝ ֆինանսավորելով հավակնոտ ծրագրեր և նախաձեռնություններ: Համոզված լինելով, որ ուժեղ մասնավոր հատվածը նպաստում է տնտեսական և սոցիալական զարգացմանը՝ FMO-ն արդեն ավելի քան 50 տարի է, ինչ ֆինանսավորում է ձեռներեցներին՝ տեղական տնտեսություններն ավելի ներառական, արդյունավետ, ճկուն և կայուն դարձնելու համար: FMO-ն իր գործունեության համար առանձնացնում է երեք հիմնական ոլորտ, որոնք մեծ ազդեցություն ունեն զարգացման տեսանկյունից՝ ագրոբիզնես, պարենային և ջրային տնտեսություն, էներգետիկա և ֆինանսական հաստատություններ: Ունենալով մոտ 13 միլիարդ եվրոյի ներդրումային պորտֆել ավելի քան 85 երկրում՝ FMO-ն հանդիսանում է աշխարհում մասնավոր հատվածի զարգացման խոշորագույն երկկողմ բանկերից մեկը:

Լրացուցիչ տեղեկությունների համար այցելեք www.fmo.nl. կայքը:

Ֆինանսավորման առնվազն 25%-ը կհատկացվի սահմանված չափանիշներին համապատասխանող կանաչ նախագծերին: Մասնաձեռնությունը կուղղվեն ՄՓՄՁ-ների ֆինանսավորմանը. առանձնահատուկ ուշադրության կենտրոնում կլինեն կանաչ և երիտասարդ ձեռնարկատերերի կողմից ղեկավարվող բիզնեսները, ինչպես նաև գյուղատնտեսության ոլորտում և գյուղական համայնքներում գործող ձեռնարկությունները:

Այս նոր պայմանագրին արտացոլում է Ամերիաբանկի և FMO-ի ընդհանուր ձգտումը՝ աջակցելու ներառական տնտեսական աճին, բարձրացնելու տեղական բիզնեսների մրցունակությունը և նպաստելու անցմանը դեպի ավելի կայուն տնտեսություն:

Խոսելով պայմանագրի մասին՝ Ամերիաբանկի ֆինանսական ինստիտուտների բաժնի ղեկավար Արա Սարգսյանը նշեց. «Մենք ուրախ ենք ամրապնդել մեր երկարատև գործընկերությունը FMO-ի հետ այս գործիքի միջոցով, որն էլ ավելի կընդլայնի ֆինանսավորման հասանելիությունը ամբողջ Հայաստանում գործող ՄՓՄՁ-ների համար՝ միաժամանակ ավելացնելով աջակցությունը կանաչ և ներառական նախագծերին: Այս համագործակցությունը շարունակում է կարեւոր դեր խաղալ Հայաստանում կայուն աճի խթանման և ձեռնարկատերերի համար ավելի լայն հնարավորությունների ստեղծման գործում, որը ռազմավարական նշանակություն ունի Ամերիաբանկի համար»:

ԳՅՈՒՂԱՏՆՏԵՍԱԿԱՆ ՎԱՐԿ

Ֆասթ Բանկը մեկնարկել է ագրոպարենային ոլորտին սրամարվող վարկերի տոկոսադրույթի սուբսիդավորման ծրագիրը: Բանկը հնարավորություն է սալիս հաճախորդներին ձեռք բերել 1-2 միլիոն ՀՀ դրամ զուամրի չափով գյուղատնտեսական վարկ և մարել այն 7-36 ամսվա ընթացքում:

Ագրոպարենային ոլորտին տրամադրվող գյուղատնտեսական վարկի տարեկան անվանական տոկոսադրույթը 13.15% է, փաստացի տարեկան տոկոսադրույթը՝ 13.15%-13.95%: Այնուհանդերձ, կառավարության սուբսիդավորման ծրագիրը նախատեսում է փոխհատուցել վարկի ողջ տոկոսադրույթը, ուստի հաճախորդի կողմից վճարման ենթակա վարկի տարեկան տոկոսադրույթը կկազմի 0%: Ագրոպարենային ոլորտին տրամադրվող գյուղատնտեսական վարկի համար կարող են դիմել ինչպես ֆիզիկական և իրավաբանական անձինք, այնպես էլ անհատ ձեռնարկատերերը: Հարկ է նշել, որ վարկային միջոցները պետք է ուղղվեն բացառապես ագրոպարենային ոլորտում գյուղատնտեսական գործունեությանը և ագրովերամ-

FASTBANK
ԱԳՐՈՊԱՐԵՆԱՅԻՆ ՈԼՈՐՏԻՆ
ԳՅՈՒՂԱՏՆՏԵՍԱԿԱՆ ՎԱՐԿ
ԱՐՏՈՆՅԱԼ 6 ԱՄԻՍ ԺԱՄԱԿԵՏ
ՏՈԿՈՍԱԴՐՈՅԻ ՍՈՒԲՍԻԴԱՎՈՐՄԱՐ

շակմանը: Սուբսիդավորման ծրագրին իրականացվելու է 2026-2027 թվականներին: Պետական սուբսիդավորման ծրագրով ագրոպարենային ոլորտին տրամադրվող գյուղատնտեսական վարկի դիմումներն ընդունվում են Ֆասթ Բանկի 24/7 գործող մասնաճյուղերում:

Ֆասթ Բանկը թվային բանկ դառնալուն միտված ընկերություն է, որը ներկայացված է Երեւանում և Հայաստանի բոլոր մարզերում:

Ֆասթ Բանկը վերահսկվում է 33 կենտրոնական բանկի կողմից

«Տողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

GUCCI ԶԳԵՍՈՎ

ՔԻՄ ՔԱՐԴԱՇՅԱՆԸ ՄՈՆԱԿՈՅՈՒՄ ՓԱՅԼԵԼ Է

Ամերիկյան հեռուստասուզ Քիմ Քարդայանը հերթական անգամ հայտնվել է նորաձևության աշխարհի ուժադրության կենտրոնում: Նա Մոնակոյում անցկացված «Ֆորմուլա 1»-ի Մոնակոյի Գրան Պրիի օրհանգում ներկայացել է Բեռլինի Gucci զգեստով, որն ավելի վաղ կրել էր Բրիտանացի լեգենդար սուպերմոդել Քեյթ Մոսը:



45-ամյա Քարդայանի ընտրած սեւ գգեստը Gucci-ի նոր հավաքածուից է: Այն աչքի է ընկնում երկար թեւքերով, բարձր օձիքով եւ խորը բաց մեջքով: Զգեստի ամենաուշագրավ դետալը բյուրեղներով զարդարված «G» լոգոյով թոնգն էր, որը դարձել էր ամբողջ կերպարի գլխավոր շեշտադրումը: Քարդայանը նախընտրել էր նվազագույն աքսեսուարներ՝ թույլ տալով, որ զգեստն ամբողջությամբ գրավի ուշադրությունը: Նրա սանրվածքն ու բնական դիմահարդարումը լրացրել էին կերպարը՝ հաղորդելով նրբագեղ եւ միաժամանակ համարձակ տեսք:

Հատկանշական է, որ այս զգեստը առաջին անգամ հանրությանը ներկայացրել էր սուպերմոդել Քեյթ Մոսը՝ փետրվարին Միլանում կայացած Gucci-ի ցուցադրության ժամանակ: Քարդայանի կողմից նույն զգեստի ընտրությունը նորաձևության շրջանակներում լայն արձագանք է ստացել, քանի որ այն համարվում է բրենդի վերջին շրջանի ամենաքննարկված ստեղծագործություններից մեկը:

Քարդայանը Մոնակոյում էր ոչ միայն նորաձևության, այլև անձնական կյանքի պատճառով: Նա ներկա էր մրցաշարին՝ աջակցելու իր ընկերոջը՝ բրիտանացի ավտոարշավորդ Լյուիս Ֆեմիլյոնին, որը հանդես է գալիս Ferrarri-ի կազմում: Վերջին ամիսներին նրանց հարաբերու-

թությունները գնալով ավելի լուրջ բնույթ են ստանում: Ըստ մտերիմների՝ Քարդայանը շատ զգույշ է վերաբերվում այն մարդկանց, որոնց թույլ է տալիս մտնել իր երեխաների կյանք, ուստի այն փաստը, որ Ֆեմիլյոնը ժամանակ է անցկացնում նրանց հետ, վկայում է մեծ վստահության մասին:

Ջուլյաի սիրավեպի մասին առաջին տեղեկությունները հայտնվեցին փետրվարին, երբ նրանք միասին նկատվել էին Փարիզում: Ավելի ուշ հայտնի դարձավ, որ նրանք միասին ժամանակ են անցկացրել նաև Տոկիոյում, որտեղ Քարդայանը մեկնել էր իր երեխաների՝ Նորթի, Սենթի, Չիկագոյի եւ Փալմի հետ: Ճանապարհորդությանը մասնակցել էին նաև Քիմի քույրը՝ Բլոնե Քարդայանը, եւ նրա երեխաները:

Ապրիլին Քարդայանը կարծես անուղակիորեն հաստատեց հարաբերությունների մասին լուրերը՝ Instagram-ում հրապարակելով Coachella երաժշտական փառատոնից լուսանկարներ, որոնցից մեկում երևում էր Ֆեմիլյոնի ճանաչելի դաջվածքներով ձեռքը: Այդ հրապարակումը մեծ քննարկումների առիթ դարձավ երկրպագուների շրջանում:

Թեև Քիմ Քարդայանն ու Լյուիս Ֆեմիլյոնը դեռևս պաշտոնապես չեն հայտարարել իրենց հարաբերությունների մասին, նրանց համատեղ հայտնությունները եւ միմյանց հասցեին հնչող ջերմ խոսքերը շարունակում են հետաքրքրել հանրությանը: Իսկ Մոնակոյում Քարդայանի տպավորիչ կերպարը դարձավ ոչ միայն նորաձևության, այլև նրանց հնարավոր սիրավեպի շուրջ քննարկումների հերթական պատճառը:

յունների մասին բազմաթիվ խոսակցություններ են շրջանառվում, սակայն զույգը հիմնականում խուսափել է հրապարակային մեկնաբանություններից:

Մրցաշարից հետո Ֆեմիլյոնը լրագրողների հետ զրույցում առաջին անգամ բացահայտ խոսել է Քարդայանի մասին: Նա նշել է, որ շատ կարեւոր է իր համար սիրելի մարդու աջակցությունը նման կարեւոր մրցումների ժամանակ:

«Հիանալի է, որ նա այստեղ է եւ աջակցում է ինձ: Շատ կարեւոր է կողքիդ ունենալ մարդկանց, ովքեր հավատում են քեզ եւ ոգեւորում: Քիմն ամեն օր այդպիսի աջակցություն է ցուցաբերում ինձ»,-ասել է ավտոարշավորդը:

Ավելի վաղ առջուրները հայտնել էին, որ Քարդայանի եւ Ֆեմիլյոնի հարաբե-

ՀԱՅԷԿՈՆՈՄԲԱՆԿԸ ԳՐՔԵՐ Է ՆՎԻՐԱԲԵՐՈՒԵԼ

Հայէկոնոմբանկը, կորորաշիվ սոցիալական տրասպարանսվության օրհանգում, Եւրոնոմբանկը է խթանել ֆինանսական գրագիտության եւ ընթերցանության մշակույթի համայնագումարը: Կարեւորելով ազգային արժեքների եւ թունանյանական ժառանգության փոխանցումը սերունդներին՝ Հայէկոնոմբանկը 2026թ. փետրվարին Գիրք միջոցառումներ իրականացրեց:



«Նվիրում եմ գիրք գրադարանին» նախաձեռնության շրջանակում Բանկի աշխատակիցների կողմից իրականացվեց գրքերի հավաքագրում՝ սահմանամերձ համայնքային գրադարաններից մեկին նվիրաբերելու նպատակով: Ընտրվեց Տավուշի սահմանամերձ Սարիգյուղ համայնքի Համետ Աթաբեկյանի անվան միջնակարգ դպրոցը, որտեղ ներկայում 197 աշակերտ է սովորում, իսկ աշխատակիցների քանակը հասնում է 50-ի: Հունիսի 5-ին հավաքագրված գրքերից բացի դպրոցին փոխանցվեց նաև Հայէկոնոմբանկի կողմից ձեռքբերված լրացուցիչ գրականություն, որի կարիքը հատկապես զգացվում է առանձին ուսումնական խմբերի հետ նպատակային ծրագրով ուսուցման ընթացքում: «Ֆինանսական գրագիտության բարձրացումն ու ընթերցանության խրախուսումը Հայէկոնոմբանկի ԿՄՊ ծրագրերի կարեւորագույն ուղղություններից են: Այս նախաձեռնությամբ մենք ցանկանում ենք ոչ

միայն հարստացնել Սարիգյուղի դպրոցականների առօրյան, այլևս հիմքեր ստեղծել ֆինանսական գրագիտության եւ ընթերցանության մշակույթի զարգացման համար», - իր խոսքում նշեց Հայէկոնոմբանկի Մարքեթինգի բաժնի պետ Արման Տոնիկյանը: Դպրոցի տնօրեն Մետրոպ Շահնազարյանը, կարեւորելով նման նախաձեռնությունները, շնորհակալություն հայտնեց ցուցաբերած ուշադ-

րության եւ նվիրաբերված գրքերի համար: Դպրոցում նշեցին, որ աշակերտները բավական ժամանակ են անցկացնում գրադարանում, եւ նոր ու ժամանակակից գրականության առկայությունը եւս կիրթանի ընթերցանությունը դպրոցականների շրջանում:

86 86 | aeb.am  
Հայէկոնոմբանկը վերահսկվում է ՀՀ Կենտրոնական բանկի կողմից

ՄԱՐԶԱԿԱՆ

ՆԵՅՄԱՐԸ ԿՇԱՐՈՒՆԱԿԻ

Բրազիլիայի ֆուտբոլի կոնֆեդերացիան հանդես է եկել հայտարարությանը՝ կապված ազգային թիմի աստղային հարձակվող Նեյմարի առողջական վիճակի հետ», գրում է armsport-ը: Ինչպես հայտնի է, 34-ամյա ֆուտբոլիստը վերջերս վնասվածք էր ստացել: Տարածված հաղորդագրության մեջ նշվում է, որ բուժակնման արդյունքները դրական դիմափակ են ցույց տվել: Ֆուտբոլիստը կշարունակի վերականգնողական գործընթացը՝ հավաքականի բժշկական շտաբի կողմից մշակված ծրագրի համաձայն: Նշենք, որ հունիսի 7-ին Բրազիլիայի հավաքականը ստուգողական խաղում 2-1 հաշվով առավելության էր հասել Եգիպտոսի ընտրանու նկատմամբ: Կառլո Անչելոտիի գլխավորած թիմն աշխարհի առաջնությունում իր առաջին հանդիպումը կանցկացնի հունիսի 14-ին: «Սելեսաոյի» մրցակիցը կլինի Մարոկկոյի հավաքականը, իսկ հանդիպումը կմեկնարկի Երեւանի ժամանակով 02:00-ին:

ՀԱՍՏԱՏՈՒՄ Է ԼՈՒՐԵՐԸ

Հայաստանի ազգային հավաքականի եւ սերբական «Յոլվենա Զվեզդայի» պաշտպան Նաիր Թիկնիզյանը հայտնվել է եվրոպական առաջատար ակումբների ուշադրության կենտրոնում: Այս տեղեկությունը «Sport-Express» պարբերականի հետ զրույցում հաստատել է 27-ամյա ֆուտբոլիստի շահերը ներկայացնող գործակալ Ալեքսանդր Կլյուեյը, հայտնում է armsport-ը: Ավելի վաղ հայտնի մարզական լրագրող Էբրեմ Քոնուրը հայտնել էր, որ հայ խաղացողի ծառայություններով ակտիվորեն հետաքրքրված են իտալական «Կոմո» եւ ֆրանսիական «Լանսը»: «Նաիրի նկատմամբ իսկապես կա հետաքրքրություն եվրոպական թիմի-5 լիգաները ներկայացնող ակումբների կողմից: Ինչ վերաբերում է Հայաստանի ազգային հավաքականի հանդիպումներին սկսուսների հնարավոր ներկայությանը, ապա այդ մասին ոչինչ ասել չեմ կարող», -նշել է Կլյուեյը:

ՎՍՏԱՔ ՀԱՂԹԱՆԱԿ

Աշխարհի 2026 թվականի առաջնությանը նախապատրաստվող Իսպանիայի ընտրանին մրցաշարի մեկնարկից առաջ անցկացրեց վերջին ստուգողական հանդիպումը՝ 3-1 հաշվով վստահ հաղթանակ տոնելով Պերուի նկատմամբ: Հանդիպման հաշիվը շատ արագ՝ արդեն 2-րդ րոպեին, բացեց Միկել Օյարսաբալը: 32-րդ րոպեին Պերուին կրկնապատկեց իսպանացիների առավելությունը, իսկ 53-րդ րոպեին պերուացիների դարպասապահ Պեդրո Գալեսեն դարձավ ինքնագոլի հեղինակ՝ հաշիվը դարձնելով 3-0: Պերուի հավաքականին հաջողվեց խփել միայն հեղինակության գնդակը: 66-րդ րոպեին աչքի ընկավ ժաիրո Վելտը: Հիշենք, որ Իսպանիայի հավաքականն ընդգրկված է Մունդիալի H խմբում, որտեղ նրա մրցակիցներն են Կաբո Վերդեն, Սաուդյան Արաբիան եւ Ուրուգվայը: Աշխարհի առաջնությունը մեկնարկելու է հունիսի 11-ին եւ տեւելու է մինչեւ հուլիսի 19-ը (armsport):

● Հ. Թումանյանի անվան ազգային տիկնիկային թատրոնում հունիսի 14-ին՝ 12:00-ին, կկայանա «Կամակոր ճուտիկը» ներկայացումը:



ԿԱՐԳ

ՀԱՐՑ. Հարկադիր կասարման ենթակա ակտերն ի՞նչ ժամկետում կարող են ներկայացվել հարկադիր կասարման:

Վահան Գրիգորյան, 45 տարեկան



ՊԱՏԱՍԽԱՆ. (Սկիզբը՝ Նախորդ համարում)

3. Եթե կատարման ենթակա ակտով հաստատված պարտավորությունը ենթադրում է տարաժամկետ կամ պարբերական կատարում, ապա սույն հոդվածի 1-ին մասով նախատեսված հարկադիր կատարման դիմում կարող է ներկայացվել պարտավորությունների կատարման ողջ ժամկետի ընթացքում, ինչպես նաև պարտավորությունների կատարման համար սահմանված ժամկետի ավարտից հետո՝ մեկ տարվա ընթացքում: Ընդ որում, եթե սույն մասով նախատեսված դեպքերում հարկադիր կատարման դիմումը ներկայացվել է կատարողական վաղեմության ընթացքի առաջին տարին լրանալուց հետո, ապա հարկադիր կատարման ենթակա են հարկադիր կատարման դիմում ներկայացնելուն նախորդող մեկ տարվա ընթացքում եւ դրանից հետո չկատարված պարտավորությունները, բացառությամբ եթե դատարանը սույն օրենքի 36-րդ հոդվածով սահմանված կարգով թույլատրել է ավելի վաղ ժամանակահատվածում չկատարված պարտավորությունների հարկադիր կատարումը:

4. Սույն հոդվածով սահմանված դրամական պահանջներով կատարողական վաղեմության ժամկետները, բացառությամբ սույն հոդվածի 3-րդ մասով սահմանված ժամկետների, ընդհատվում են պարտավորության մասնակի կատարմամբ: Ընդ որում կատարողական վաղեմության ժամկետի ընդհատման նպատակով պարտավորության մասնակի կատարումը կարող է հաստատվել միայն բանկային փոխանցումը հավաստող ապացույցով: Ընդհատումից հետո կատարողական վաղեմության ժամկետի ընթացքը նորից է սկսվում, իսկ մինչև ընդհատումն անցած ժամանակը չի հաշվվում նոր ժամկետի մեջ»:

Հարկադիր կատարումն ապահովող ծառայություն

Էջը՝ ՄԱՐԻԱՆԱ ՀՈՎՅԱՆՆԻՍՅԱՆԻ

ՀԱՍՏԱՎՈՐՈՒԹՅՈՒՆ

ՀԱՐՑ. Ինչպե՞ս վերադարձնել կամ վերածնունդի տեղի սխալ կամ ավել վճարված գումարները: Գարիկ Առաքելյան, 55 տարեկան

ՊԱՏԱՍԽԱՆ. Եթե ՀՀ պետական բյուջեի գանձապետական հաշիվներին սխալ վճարում եք կատարել կամ ավելին եք վճարել, գումարի վերադարձման կամ վերածնունդի նպատակով կից դիմումի ձեռով կարող եք դիմել ՀՀ ֆինանսների նախարարություն: Դիմումին կից ֆիզիկական կամ իրավաբանական անձը ներկայացնում է վճարումը հաստատող փաստաթղթերի բնօրինակները, մասնավորապես՝ անդորրագիրն ու վճարման հանձնարարագիրը: Եթե վճարումը կատարված է պետական վճարումների էլեկտրոնային համակարգի միջոցով, ապա որպես վճարումը հաստատող փաստաթուղթ կարող է հանդիսանալ վճարումների պետական էլեկտրոնային համակարգի գեներացված անդորրագիրը կամ անդորրագրի 20-նիշանոց ծածկագիրը, ինչպես նաև վճարված գումարը վերադարձնելու հանգամանքների հիմնավորման մասին գանձող մարմնի տեղեկանքը: Եթե չգիտեք, թե որ մարմինն է գանձում կատարել, ապա անհրաժեշտ է մուտք գործել կայքի գանձապետական հաշիվներ բաժինը, գտնել համապատասխան հաշվեհամարը, որին կից նշված է նաև հաշիվը տնօրինող մարմնի անվանումը: Եթե դիմումը ներկայացվում է լիազորված անձի կողմից, ապա վերադարձը կամ վերածնունդի հիմնավորող փաստաթղթերի հետ միասին անհրաժեշտ է ներկայացնել նաև նոտարի կողմից վավերացված լիազորագիրը: Եթե վերադարձման ենթակա գումարները վճարված են անչափահաս երեխաների անունով, ապա դիմումը ներկայացվում է ծնողներից մեկի անունով, իսկ վերադարձը հիմնավորող փաստաթղթերի հետ տրամադրվում են նաև ծննդյան վկայականների պատճենները:

Վերադարձման դեպքում դիմումում պետք է նշել նաև բանկային ռեկվիզիտները, այսինքն՝ այն բանկի եւ մասնաճյուղի անունը, որտեղից դիմողը պետք է ստանա վերադարձված գումարը եւ անձնագրի տվյալները/տեղիքի, ում կողմից է տրված, պատճենը/ բանկային հաշվեհամարի առկայության դեպքում անձնագրի տվյալների ներկայացումը պարտադիր չէ: Վերածնունդի մասին դեպքում դիմումի մեջ պետք է նշել ճիշտ գանձապետական հաշվի համարը: Վերոնշյալ փաստաթղթերի առկայության դեպքում դիմողը 5-օրյա ժամկետում տեղեկացվում է գործարքը /գումարի վերադարձ կամ վերածնունդի/ կատարված լինելու մասին: ՀՀ ֆինանսների նախարարություն

ԼՈՒՐ ԿԱԴՐ

Լուսանկարը՝ Գագիկ Ծամշյանի



Հովիվը Աղծք գյուղի սարում իր 7 կթու կովերին, 6 ցուլիկներին եւ մեկ երինջին հայտնաբերել է սատկած: Կասկածներ կան, որ անասուններին թունավորել են:

ԲԱԺՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել



«Հայփոստ» ՊՓԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-53-01

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդորադատանք ձեր բարձրացրած բոլոր խնդիրներին:

ՄՈՒԶԱՐԿ հայկական տպագիր մամուլից «Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը: Ամեն օր թերթը կհասնի ձեր նախընտրելի վայր: Բաժանորդագրության բլանկ Անուն՝ Ազգանուն՝ Առաքման հասցե՝ Բջջային եւ/կամ քաղաքային հեռախոս՝

ԵՂԱՆԱԿԻ ՏԵՍՈՒԹՅՈՒՆ



Table with 3 columns: Region, Moon phase, and Numbers

Table with 3 columns: Region, Moon phase, and Numbers

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03U089086 տրված է 24.11.2010 Ստորագրված է տպագրության 09.06.2026 Տպաքանակ՝ 3968

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում հմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: